



БОСНА И ХЕРЦЕГОВИНА  
Брчко дистрикт Босне и Херцеговине  
ФОНД ЗДРАВСТВЕНОГ ОСИГУРАЊА  
УПРАВНИ ОДБОР

BOSNA I HERCEGOVINA  
Brčko distrikt Bosne i Hercegovine  
FOND ZDRAVSTVENOG OSIGURANJA  
UPRAVNI ODBOR/VIJEĆE

---

Вука С. Караџића 4, 76100 Брчко дистрикт БиХ, тел. +387 49 211 102; 216 344, факс 216 115, ИБ 4600222830003:  
Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 216 115, IB 4600222830003:  
web: [www.fzobrcko.ba](http://www.fzobrcko.ba), e-mail: [fzobrcko1@teol.net](mailto:fzobrcko1@teol.net),

Broj: 015-180/7-UO-95/13  
Brčko, 04.11.2013. godine

Upravni odbor Fonda zdravstvenog osiguranja Brčko distrikta BiH, na osnovu člana 13, stava (1), tačke b) i f) Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07 i 1/08), a u vezi sa članom 3, stavom (3) Odluke o načinu propisivanja lijekova sa Esencijalne liste („Službeni glasnik Brčko distrikta BiH“, broj: 29/13) na 21. vanrednoj sjednici, održanoj 04.11.2013. godine, donosi

## ODLUKU

### O UTVRĐIVANJU USLOVA ZA ZAKLJUČIVANJE UGOVORA O PRUŽANJU FARMACEUTSKIH USLUGA ZA IZDAVANJE LIJEKOVA SA ESENCIJALNE LISTE LIJEKOVA ZA POTREBE OSIGURANIH LICA FONDA ZDRAVSTVENOG OSIGURANJA BRČKO DISTRIKTA BIH

#### Član 1 (Predmet)

Ovom Odlukom utvrđuju se uslovi koje apotekarska ustanova mora ispuniti kako bi mogla sa Fondom zdravstvenog osiguranja Brčko distrikta BiH (u daljem tekstu: Fond) zaključiti Ugovor o pružanju farmaceutskih usluga za izdavanje lijekova sa Esencijalne liste lijekova za potrebe osiguranih lica Fonda (u daljem tekstu: Ugovor o pružanju farmaceutskih usluga).

#### Član 2 (Uslovi za zaključenje ugovora)

Uslovi koje apotekarska ustanova mora ispuniti kako bi mogla sa Fondom zaključiti Ugovor o pružanju farmaceutskih usluga su sljedeći:

- a) da je registrovana kod Osnovnog suda Brčko distrikta BiH za djelatnost prometa lijekovima,
- b) da posjeduje odobrenje za rad (promet lijekovima na malo), izdato od nadležnog organa, a u svemu prema važećim propisima,
- c) da nije pod stečajem ili pred likvidacijom i da nije predmet postupka za proglašenje stečaja za izdavanje naloga za prisilnu likvidaciju,
- d) da nije osuđena sudskom presudom za kršenje zakona u smislu njenog poslovnog ponašanja u periodu od 5 (pet) godina prije podnošenja zahtjeva za zaključivanje Ugovora o pružanju farmaceutskih usluga,
- e) da nije proglašena krivom za teži profesionalni prekršaj od strane nadležnog suda u BiH u periodu od 5 (pet) godina prije podnošenja zahtjeva za zaključivanje Ugovora o pružanju farmaceutskih usluga,

- f) da je izmirila obaveze po osnovu direktnih i indirektnih poreza (zaključno sa mjesecom koji prethodi mjesecu u kom je podnesen zahtjev za zaključivanje Ugovora o pružanju farmaceutskih usluga),
- g) da je izmirila obaveze po osnovu doprinosa za penzijsko i invalidsko osiguranje (zaključno sa mjesecom koji prethodi mjesecu u kom je podnesen zahtjev za zaključivanje Ugovora o pružanju farmaceutskih usluga),
- h) da je izmirila obaveze po osnovu doprinosa za zdravstveno osiguranje (zaključno sa mjesecom koji prethodi mjesecu u kom je podnesen zahtjev za zaključivanje Ugovora o pružanju farmaceutskih usluga),
- i) da zapošljava ili angažuje kvalifikovani kadar.

### **Član 3** **(Dokumentacija potrebna za zaključenje ugovora)**

(1) Dokumentacija koju apotekarska ustanova treba da dostavi kako bi ispunila potrebne uslove i sa Fondom zaključila Ugovor o pružanju farmaceutskih usluga je sljedeća:

- a) Rješenje o upisu u sudski registar Osnovnog suda Brčko distrikta BiH, sa svim priložima ili Izvod iz Sudskog registra (original ili ovjerena fotokopija),
- b) Fotokopija uvjerenja o poreskoj registraciji – identifikacioni broj,
- c) Rješenje Odjeljenja za zdravstvo i ostale usluge Vlade Brčko distrikta BiH, kojim se odobrava rad – promet lijekova na malo za svaku poslovnu jedinicu u kojoj će se vršiti izdavanje lijekova na osiguranički recept (original ili ovjerena fotokopija),
- d) Uvjerenje izdato od Osnovnog suda Brčko distrikta BiH da nije pod stečajem ili pred likvidacijom i da nije predmet postupka za proglašenje stečaja za izdavanje naloga za prisilnu likvidaciju,
- e) Izvod iz „sudskog registra“ ili ekvivalentan dokument koji izdaje nadležni sudski ili organ uprave BiH u cilju dokazivanja da nije osuđena sudskom presudom za kršenje zakona u smislu njenog poslovnog ponašanja u periodu od 5 (pet) godina prije podnošenja zahtjeva za zaključivanje Ugovora o pružanju farmaceutskih usluga, (Napomena: Ukoliko je apotekarska ustanova kažnjavana treba dostaviti dokaz da je izvršila plaćanje novčane kazne i troškova postupka, odnosno da joj nije izrečena zaštitna mjera zabrane obavljanja djelatnosti),
- f) Uvjerenje ili potvrda nadležnog suda u cilju dokazivanja da nije proglašena krivom za ozbiljan profesionalni prekršaj od strane nadležnog suda u periodu od 5 (pet) godina prije podnošenja zahtjeva za zaključivanje Ugovora o pružanju farmaceutskih usluga, (Napomena: Ukoliko je apotekarska ustanova kažnjavana treba dostaviti dokaz da je izvršila plaćanje novčane kazne i troškova postupka, odnosno da joj nije izrečena zaštitna mjera zabrane obavljanja djelatnosti),
- g) Uvjerenje o izmirenim obavezama po osnovu direktnih poreza izdato od Poreske uprave Brčko distrikta BiH,
- h) Uvjerenje o izmirenim obavezama po osnovu indirektnih poreza izdato od Uprave za indirektno oporezivanje BiH,
- i) Uvjerenje o izmirenim obavezama po osnovu doprinosa za penzijsko i invalidsko osiguranje,
- j) Uvjerenje o izmirenim obavezama po osnovu doprinosa za zdravstveno osiguranje,
- k) Izjavu kojom se obavezuje da će naručivanje i isporuku lijekova sa Esencijalne liste lijekova osiguranim licima Fonda, vršiti u skladu sa zakonskim i podzakonskim aktima koji regulišu oblast prometa lijekova, aktima donesenim od strane Fonda i dobrom farmaceutskom praksom,
- l) Izjavu kojom se obavezuje da će osiguranim licima Fonda kontinuirano obezbjeđivati lijekove sa Esencijalne liste lijekova u toku ugovornog perioda, u potrebnim količinama,
- m) Izjavu kojom se obavezuje da će voditi propisane evidencije, vezano za izdavanje lijekova sa Esencijalne liste lijekova na način kako to svojim aktom propiše Fond ili bude regulisano Ugovorom o pružanju farmaceutskih usluga,
- n) Izjavu da kadrovski zadovoljava uslove u smislu da zapošljava ili angažuje kadar kvalifikovan za pružanje farmaceutskih usluga uz podatak o broju zaposlenih ili angažovanih lica za svaku poslovnu jedinicu,
- o) Izjavu da će na zahtjev Fonda obezbjeđiti stalan pristup internetu (ADSL) radi elektronske razmjene podataka.

(2) Dokumentacija iz stava (1), tačke d), e), f), g), h), i) i j) ovog člana ne smije biti starija od 3 (tri) mjeseca od dana podnošenja zahtjeva za zaključivanje Ugovora o pružanju farmaceutskih usluga.

**Član 4**  
**(Provjera dokumentacije)**

Provjeru dokumentacije iz člana 3 ove odluke vrši komisija imenovana od strane direktora Fonda.

**Član 5**  
**(Potpisivanje ugovora)**

Potpisivanje Ugovora o pružanju farmaceutskih usluga obaviće se nakon utvrđivanja ispunjenosti uslova iz člana 2 ove Odluke.

**Član 6**  
**(Stupanje na snagu)**

Ova Odluka stupa na snagu danom donošenja.

Dostavljeno:

1. Direktor FZO
2. Šefovima Službi FZO (x3)
3. Internom kontroloru
4. Evidenciji
5. Arhivi

**PREDSJEDNIK**  
**UPRAVNOG ODBORA**

**Dr Anto Basić, s.r.**